

हिरण्यगर्भः सूक्तम्

hiranyaḡarbhah sūktam

ॐ हिरण्यगर्भः समवर्तताग्रे भूतस्य जातः पतिरेक आसीत् ।

स दाधार पृथिवीं द्यामुतेमां कस्मै देवाय हविषा विधेम ॥

Om hiraṇyaḡarbhah samāvartatāgre bhūtasya jātaḥ patireka āsīt ।

sa dādharma prthivīm dyāmutemām kasmai devāya haviṣā vidhema ॥

य आत्मदा बलदा यस्य विश्व उपासते प्रशिषं यस्य देवाः ।

यस्य छायामृतं यस्य मृत्युः कस्मै देवाय हविषा विधेम ॥

ya ātmadā baladā yasya viśva upāsate praśiṣam yasya devāḥ ।
yasya chāyāmṛtaṁ yasya mṛtyuḥ kasmai devāya haviṣā vidhema ॥

यः प्राणतो निमिषतो महित्वैक इद्राजा जगतो बभूव ।

य ईशे अस्य द्विपदश्चतुष्पदः कस्मै देवाय हविषा विधेम ॥

yaḥ prāṇato nmiṣato mahitvaika idrājā jagato babhūva ।

radiosai

ya īśe asya dvīpadaścātuspadaḥ kasmai devāya haviṣā
vidhema॥

यस्येमे हिमवन्तो महित्वा यस्य समुद्रं रसया सहाहुः ।

यस्येमाः प्रदिशो यस्य बाहू कस्मै देवाय हविषा विधेम ॥

yasyeme himavānto mahitvā yasya samudraṁ rasayā sahāhuḥ।
yasyemāḥ pradiśo yasya bāhū kasmai devāya haviṣā
vidhema॥

येन द्यौरुग्रा पृथिवी च दृळ्हा येन स्वः स्तभितं येन नाकः ।

यो अन्तरिक्षे रजसो विमानः कस्मै देवाय हविषा विधेम ॥

yena dyaurugrā pūthivī ca dṛḷhā yena svaḥ stabhitam yena
nākaḥ।

yo antarikṣe rajasō vimānaḥ kasmai devāya haviṣā vidhema॥

यं क्रन्दसी अवसा तस्तभाने अभ्यैक्षेतां मनसा रेजमाने ।

यत्राधि सूर उदितो विभाति कस्मै देवाय हविषा विधेम ॥

yaṁ krandasī avasā tastabhāne abhyaikṣetām manasā
rejamāne।

yatrādhi sūra uditō vibhāti kasmai devāya haviṣā vidhema॥

radiosai

आपो॑ ह॒ यद्बृ॑हतीर्वि॒श्वमा॑यन् गर्भं॑ दधाना॑ जनय॑न्तीरग्निम् ।

ततो॑ दे॒वानां॑ समव॑र्ततासुरेकः॑ कस्मै॑ दे॒वाय॑ ह॒विषा॑ विधेम ॥

āpō ha yadbṛhatīrviśvamāyaṇ garbhaṁ dadhānā
janayam̐tīragnim̐ ।

tato devānām samāvartatāsurekaḥ kasmai devāya haviṣā
vidhema । ।

यश्चि॑दापो॑ महि॒ना पर्य॑पश्यद् दक्षं॑ दधाना॑ जनय॑न्तीर्यज्ञम् ।

यो दे॒वेष्वधि॑ दे॒व एक॑ आसीत्कस्मै॑ दे॒वाय॑ ह॒विषा॑ विधेम ॥

yaścīdāpō mahinā paryapaśyad dakṣam dadhānā
janayam̐tīryajñam ।

yo deveṣvadhi deva eka āsītkasmai devāya haviṣā vidhema । ।

मा नो॑ हिंसीज्जनि॒ता यः पृ॑थिव्या यो वा दि॒वं स॒त्यध॑र्मा ज॒जान॑ ।

यश्चा॑पश्चन्द्रा॑ बृहती॑र्ज॒जान॑ कस्मै॑ दे॒वाय॑ ह॒विषा॑ विधेम ॥

mā nō himsījjanitā yaḥ pṛthivyā yo vā divaṁ satyadharmā
jajāna ।

yaścāpaścandrā bṛhatīrjajāna kasmai devāya haviṣā vidhema । ।

प्रजा॑पते न त्वदे॒तान्य॑न्यो वि॒श्वा जा॑तानि परि ता ब॒भूव॑ ।

यत्का॑मास्ते जुहुमस्तन्नो॑ अस्तु वयं॑ स्याम॑ पतयो॑ रयीणाम् ॥

prajāpate na tvadetānyanyo viśvā jātāni pari tā babhūva ।

yatkāmāste juhumastanno astu vyaṁ syāma patayo rayīṇām । ।

ॐ शान्तिः॑ शान्तिः॑ शान्तिः॑ ॥

om śāntiḥ śāntiḥ śāntiḥ । ।